

斗帝勅演九品靈妙真經疏解後跋

此經爲萬古道門鉅典

斗帝垂慈特勅

紫微星帝於九皇法會頒示九品而統名之曰靈妙真經一曰緣起靈妙之根原也二曰持心靈妙之樞紐也三曰解脫靈妙之顯現也四曰精進靈妙之功候也五曰布施靈妙之運行也六曰離欲靈妙之孕育也七曰清淨靈妙之明澈也八曰煉虛靈妙之神化也九曰超昇靈妙之圓成也就平實簡易中將玄通微妙真功次第指出俾人人本此靈妙可以直造天仙地位洗盡從來丹家譬喻重濁之習今又得

道藏輯要

靈妙真經疏解

言

斗集一

孚佑上帝疏解益覺經旨洞明如日月麗天朗無纖翳並蒙垂示寶偈曰天仙正覺派綿長廣化洪開大道場我欲度人無量劫彌羅誓愿總無疆試看修持不計年好把玄功靜裏參固精煉虛皆妙訣真成道器足超前數語中包羅秘旨默寓真機洵非個中人不能解非明了後未易行也小子覺質本庸愚功殊疎懈邇復平心自按除一點誠心外曾無寸長今仰蒙

特諭跋誌是經僅抒心光所明以答

天鑒之赫自知管窺蠡測不足以仰贊高深惟願同志之士共凜此經所在有無具天神上聖護持宣揚果能淨信誠求定

可心解實證莫僅作人間世語言文字觀也廣化弟子惠覺
薰沐敬跋

道藏輯要

靈妙真經疏解
後跋

五